

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**DOM NARODA**  
**Odbor za ekonomsku i razvojnu politiku,**  
**finansije i budžet**

Broj: 02/11-02-453/21  
Sarajevo, 18.02.2021. godine

**DOMU NARODA**  
**PARLAMENTA FEDERACIJE BIH**

Na 14. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 18. februara 2021. godine razmatrane su sljedeće tačke dnevnog reda:

- 1. Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH - skraćeni postupak,**
- 2. Prijedlog zakona o dopuni Zakona o Komisiji za vrijednosne papire - hitni postupak,**
- 3. Prijedlog zakona o Jedinstvenom registru taksi i naknada u Federaciji Bosne i Hercegovine – skraćeni postupak,**
- 4. Nacrt zakona o poduzetničkoj infrastrukturi u Federaciji Bosne i Hercegovine,**
- 5. Nacrt zakona o slobodnim zonama u Federaciji Bosne i Hercegovine,**
- 6. Kvartalni izvještaj o dugu Q4/2019,**
- 7. Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 19.05.2020. godine,**
- 8. Izvještaj o zaduženju Federacije Bosne i Hercegovine po osnovu emisije (5Y) obveznica na dan 23.06.2020. godine.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09 i 24/20) Odbor za ekonomsku i razvojnu politiku, finansije i budžet podnosi Domu naroda sljedeći:

**I Z V J E Š T A J**

- 1. Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH - skraćeni postupak**

Članovi Odbora predlažu Domu naroda da Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH uvrsti kao tačku dnevnog reda 9. sjednice Doma naroda te da se razmatra po skraćenom postupku. Imajući u vidu da postoji opasnost od pokretanja sudskih postupaka od strane subjekata obuhvaćenih finansijskom konsolidacijom, te da se u konkretnom slučaju radi o izmjenama Zakona za koje postoji neodložna potreba, a kako bi se izbjeglo nastajanje štetnih posljedica za Federaciju Bosne i Hercegovine, predlaže se skraćena procedura.

Zakon o finansijskoj konsolidaciji je temporalnog karaktera i privredna društva su zahtjeve za odobravanjem ovih postupaka mogla podnositi do 08.02.2020. godine, odnosno šest mjeseci od dana stupanja na snagu zakona.

Usvajanjem predloženih izmjena omogućava se privrednim društvima da u roku od dodatne dvije godine, odnosno do 31.12.2023. godine, izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine, kao i da se omogući drugim privrednim društvima koja posluju sa poteškoćama da u roku do 31.12.2022. godine, mogu podnijeti zahtjeve za odobravanje postupka finansijske konsolidacije.

Imajući u vidu navedene razloge, članovi Odbora predlažu Domu naroda da razmotri i usvoji Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH po skraćenom postupku, kako je predložila Vlada Federacije BiH.

## **2. Prijedlog zakona o dopuni Zakona o Komisiji za vrijednosne papire - hitni postupak**

Članovi Odbora su konstatovali da zbog neimenovanja članova Komisije za vrijednosne papire duže vremena se stvaraju problemi u funkcionisanju tržišta kapitala u Federaciji BiH. Imajući u vidu da su obustavljene sve aktivnosti iz nadležnosti Komisije za vrijednosne papire vezano za rješavanja u upravnom postupku gdje svi učesnici na tržištu kapitala trpe veliku štetu, a u cilju da se spriječi potpuna devastacija tržišta kapitala, članovi Odbora predlažu Domu naroda da razmotri i usvoji Prijedlog zakona o dopuni Zakona o Komisiji za vrijednosne papire po hitnom postupku, kako je predložila Vlada Federacije BiH.

## **3. Prijedlog zakona o Jedinstvenom registru taksi i naknada u Federaciji Bosne i Hercegovine – skraćeni postupak**

Članovi Odbora su konstatovali da se navedenim Prijedlogom zakona uvodi jednoobraznost u postupku uspostave i ažuriranja Jedinstvenog registra, kojim se osigurava transparentnost svih informacija na jednom mjestu, a u cilju pojednostavljenja poslovnog djelovanja svih postojećih privrednika i potencijalnih investitora.

Članovi Odbora predlažu Domu naroda da razmotri i usvoji Prijedlog zakona o Jedinstvenom registru taksi i naknada u Federaciji Bosne i Hercegovine po skraćenom postupku, u tekstu kako je predložila Vlada Federacije BiH.

## **4. Nacrt zakona o poduzetničkoj infrastrukturi u Federaciji Bosne i Hercegovine**

Članovi Odbora obavili su raspravu o navedenom Nacrtu zakona, te predlažu Domu naroda da razmotri i prihvati sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o poduzetničkoj infrastrukturi u Federaciji Bosne i Hercegovine i smatra da može poslužiti kao osnova za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 30 dana.
3. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.

## **5. Nacrt zakona o slobodnim zonama u Federaciji Bosne i Hercegovine**

Članovi Odbora obavili su raspravu o navedenom Nacrtu zakona, te predlažu Domu naroda da razmotri i prihvati sljedeći:

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt zakona o slobodnim zonama u Federaciji Bosne i Hercegovine i smatra da može poslužiti kao osnova za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 30 dana.
3. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.

## **6. Kvartalni izvještaj o dugu Q4/2019**

Članovi Odbora predlažu Domu naroda da razmotri i primi k znanju Kvartalni izvještaj o dugu Q4/2019.

## **7. Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 19.05.2020. godine**

Članovi Odbora predlažu Domu naroda da razmotri i primi k znanju Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 19.05.2020. godine

## **8. Izvještaj o zaduženju Federacije Bosne i Hercegovine po osnovu emisije (5Y) obveznica na dan 23.06.2020. godine.**

Članovi Odbora predlažu Domu naroda da razmotri i primi k znanju Izvještaj o zaduženju Federacije Bosne i Hercegovine po osnovu emisije (5Y) obveznica na dan 23.06.2020. godine.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je Fahrudin Skopljak, predsjednik Odbora.

Predsjednik  
Odbora za ekonomsku i razvojnu politiku,  
finansije i budžet

**Fahrudin Skopljak, s.r.**